

შპს. ქართულ-ინგლისური სკოლა „ბრიტანिका“

მშობელთა საათათბიროს დებულება

1. ზოგადი ნაწილი

1.1. სკოლის წარმატებული მუშაობისა და მოსწავლეთა მაღალი აკადემიური მოსწრებისათვის აუცილებელი წინაპირობაა სკოლის მჭიდრო თანამშრომლობა საზოგადოებასა და მშობლებთან. ამ მიზნით სკოლაში შექმნილია მშობელთა სათათბირო.

1.2 შპს. ქართულ-ინგლისური სკოლა „ბრიტანიკა“ს მშობელთა სათათბირო წარმოადგენს საზოგადოებრივ ორგანოს.

1.3. სკოლის მშობელთა სათათბირო თავის საქმიანობაში ხელმძღვანელობს საქართველოს კანონის „ზოგადი განათლების შესახებ“, მშობელთა კრებების გადაწყვეტილებებით, პედაგოგიური საბჭოს, დირექტორისა და კლასის დამრიგებლის რეკომენდაციებით.

2. მშობელთა სათათბიროს მიზნები და ამოცანები

2.1. მშობელთა სათათბიროს მიზანია საგანმანათლებლო პოლიტიკის განხორციელების ხელშეწყობა როგორც სასკოლო, ისე არასასკოლო გარემოში;

2.2. მშობელთა სათათბიროს ამოცანებია:

2.2.1. განამტკიცოს სკოლის, ოჯახისა და საზოგადოების კავშირი მოსწავლეთა ერთიანი აღზრდელობითი ძალისხმევის განხორციელების მიზნით; იზრუნოს მოსწავლეთა აღზრდის საქმეში, მშობელთა აქტიურობის გაზრდისათვის.

2.2.2. ითანამშრომლოს პედაგოგიური კოლექტივისა და დირექციასთან ეროვნული მრწამსის მქონე, საზოგადოებრივი ინტერესების დამცველი, მრავალმხრივ განათლებული, ქრისტიანული ზნეობის, დამოუკიდებელი აზროვნების და ქმედით უნარების მქონე პიროვნების ჩამოყალიბებისათვის.

2.2.3. დახმარება გაუწიოს სკოლას დამატებითი განათლების, მოსწავლეთა თავისუფალი დროის ორგანიზებაში, გართობა-დასვენების პროგრამის რეალიზებისა და სპორტული სექციების, საკლუბო წრეობრივი მუშაობისათვის საჭირო პირობების შექმნაში.

2.2.4. დახმარება გაუწიოს სკოლას დამატებითი ფინანსების მოძიებაში (გრანტი) და ჩაერთოს მისი მიზნობრივად გამოყენების შესრულებაში.

2.2.5. დახმარება გაუწიოს სკოლას ქცევითი პრობლემების მქონე ბავშვებთან ურთიერთობაში.

2.2.6. ხელი შეუწყოს ბავშვთა აღზრდაზე მშობელთა პასუხისმგებლობის ამაღლებაში, მათ ჩაბმას სასკოლო ცხოვრებაში.

2.2.7. მონაწილეობა მიიღოს სკოლის მატერიალური ბაზის განმტკიცებასა და სათანადო სანიტარულ-ჰიგიენური პირობების შექმნაში.

3. მშობელთა სათათბიროს უფლება-მოვალეობანი

3.1. მშობელთა სათათბიროს ყოველ წევრს უფლება აქვს დისციპლინარულ კომიტეტისა და პედაგოგიურ საბჭოში განსახილველად შეიტანოს საკითხები, რომლებიც დაკავშირებულია სკოლის მუშაობის გაუმჯობესებასთან. მშობელთა სათათბიროს

3.2. მშობელთა საათათბიროს გადაწყვეტილებანი სავალდებულოა საათათბიროს ყველა წევრისთვის და ისინი დრულად და ზუსტად უნდა იქნეს შესრულებული.

4. მშობელთა საათათბიროს მუშაობის ორგანიზაცია

4.1. მშობელთა საათათბიროს შემადგენლობაში მშობელთა წარმომადგენლები აირჩევა ერთი წლის ვადით, სასწავლო წლის დაწყებიდან 10 დღეში, კლასის მშობელთა კრებებზე. მშობელთა საათათბიროს რაოდენობა განისაზღვრება თითოეული კლასიდან ერთი წარმომადგენლით.

4.2. მშობელთა საათათბირო თავისი შემადგენლობიდან ირჩევს თავმჯდომარეს, მოადგილესა და მდივანს.

4.3. მშობელთა საათათბიროს სხდომები მოიწვევა თითოეულ სემესტრში ერთხელ. გადაწყვეტილებებს ღებულობს ხმების უმრავლესობით.

დამატებითი სხდომების მოწვევა შეუძლია დირექტორს საწიროებისამებრ. სხდომის მუშაობა აისახება ოქმებში.

4.4. მშობელთა საათათბირო თავის საქმიანობას ახორციელებს წევრების მეშვეობით. თავის მხრივ, მშობელთა კომიტეტის წევრები პრაქტიკულ მუშაობას ეწევიან კლასის მშობელთა აქტივის დახმარებით. მშობელთა საათათბიროს წევრები მოსწავლეთა მშობლებთან მჭიდრო კავშირს ახორციელებენ სახლში მისვლით, მათთან ინდივიდუალურ და ჯგუფური საუბრების ჩატარებით და კლასის მშობელთა კრებების მოწვევით.

4.5. მშობელთა საათათბირო იწვევს კლასის მშობელთა და მოსწავლეთა კრებას თითოეულ სემესტრში ერთხელ.

4.6. მშობელთა საათათბიროს უფლება აქვს მოაწყოს ფასიანი კონცერტები, სპექტაკლები და ლექციები, მონაწილეობა მიიღოს შემოსული სახსრების ხარჯვაში.

4.4.7. მშობელთა საათათბირო საჭიროებისამებრ აწყობს მშობელთა მორიგეობას სკოლის ბუფეტში, უწევს მეთვალყურეობას და ეხმარება მოსწავლეთა კვების გაუმჯობესების საქმეში.

5. მშობელთა საათათბიროს ანგარიშგება და საქმისწარმოება

5.1. მშობელთა საათათბირო მუშაობის ანგარიშს წარუდგენს მშობელთა საერთო კრებას წელიწადში ერთხელ, სასწავლო წლის ბოლოს.

5.2. მშობელთა საათათბირო აწარმოებს თავისი სხდომების და მშობელთა საერთო კრებების ოქმებს, რომელიც რეგისტრირდება სპეციალურ ჟურნალში და ინახება სკოლის ადმინისტრაციულ-საკანცელარიო საქმეთა მენეჯერთან.

5.3. ყველა სახის საქმიანი მიწერ-მოწერა, რომლებიც მშობელთა საათათბიროს კომპეტენციაში შედის, წარმოებს სკოლის სახელით სკოლის დირექტორისა და მშობელთა საათათბიროს თავმჯდომარის ხელმოწერით.

